



Lišenje slobode A.Z.

Dana 28.04.2021.godine u 18.30 sati policijski službenici Odjeljenja za borbu protiv zloupotreba opojnih droga Uprave policije MUP-a KS su, zbog postojanja osnova sumnje da je počinio krivično djelo iz člana 371. KZ F BiH (nedozvoljeno držanje oružja i eksplozivnih materija) i člana 239. KZ F BiH (posjedovanje i omogućavanje uživanja opojnih droga), lišili slobode lice A.Z. rođen 1992.godine iz Sarajeva. Naime, policijski službenici su na osnovu saglasnosti dežurnog tužioca Kantonalnog tužilaštva KS i sudije za prethodni postupak Općinskog suda Sarajevo, izvršili pretres p.m.v. marke „Opel Astra“, reg. broja K63-O-966, a u kojem se nalazilo lice A.Z. i tom prilikom kod istog pronašli i uz potvrdu o privremenom oduzimanju predmeta oduzeli jednu ručnu bombu tzv. „kašikaru“ i jedan pvc paketić sa sadržajem NN materije bijele boje koja asocira na opojnu drogu spid, težine 3 grama. Nakon toga policijski službenici Odjeljenja za borbu protiv zloupotreba opojnih droga su izvršili pretres stana u ul. Omera Dolovčića, koji koristi A.Z. i tom prilikom su pronađeni i privremeno oduzeti: jedan pvc paketić sa sadržajem NN materije bijele boje koja asocira na opojnu drogu spid težine 27 grama, jedan manji pvc paketić sa sadržajem NN materije bijele boje koja asocira na opojnu drogu spid težine 0,35 grama, jedna pvc kesica sa patent zatvaračem u kojoj se nalazi pvc kartica sa natpisom „Ultra“ i manjom količinom NN materije bijele boje koja asocira na opojnu drogu spid. O događaju je obaviješten tužilac Kantonalnog tužilaštva Kantona Sarajevo, a lice lišeno slobode predato u prostorije Jedinice za osiguranje objekata i zadržavanje osoba lišenih slobode MUP-a Kantona Sarajevo. Policijski službenici nastavljaju rad na dokumentovanju navedenih krivičnih djela.

29.04.2021

